

UGOVOR O PRUŽANJU USLUGA PRISTUPA INTERNET MREŽI

Zaključen između:

1. **Ustavni sud Bosne i Hercegovine**, ul. Reisa Džemaludina Čauševića broj 6/III Sarajevo, koga zastupa Nataša Vuković, generalni sekretar Ustavnog suda Bosne i Hercegovine (u daljem tekstu: Ustavni sud)
2. **BH Telecom d.d. Sarajevo**, Zmaja od Bosne broj 88, koga zastupa v.d. direktor Direkcije Sarajevo mr. Faruk Selmanović, dipl.ing.is. (u daljem tekstu: BH Telecom)

Član 1.

Predmet ovog ugovora je nabavka/pružanje usluga pristupa Internetu putem resursa BH Telecoma.

Član 2.

BH Telecom se obavezuje da Ustavnom sudu omogući sljedeće usluge:

Pristup internetu uz mehanizam upravljanja i kontrole internet prometa sa sljedećim karakteristikama:

- Virtuelna mašina sa Linux OS (2vCPU, HDD 40GB, RAM 4GB)
- Stalna konekcija virtuelne mašine sa mrežom Ustavnog suda BiH na adresi sjedišta suda brzinom od 15/15Mbps
- Secure VPN gateway (minimalno 10 konkurentnih VPN konekcija)
- Secure Internet Gateway sa prometom do 1200GB mjesečno
- 4 statičke IP adrese
- Tehnička podrška 24/7

Član 3.

BH Telecom se obavezuje da će poduzimati sve neophodne aktivnosti da Ustavnom sudu omogući primjeren kvalitet i neometano korištenje usluga Internet mreže putem resursa BH Telecoma.

Član 4.

BH Telecom se obavezuje da će čuvati povjerljive podatke Ustavnog suda, onemogućujući pristup povjerljivim podacima trećim licima.

Član 5.

BH Telecom neće biti odgovorna za neizvršenje svojih obaveza ukoliko je to neizvršenje prouzrokovano višom silom. Pod višom silom podrazumijevaju se događaji izvan kontrole BH Telecoma koji se nisu mogli predvidjeti, spriječiti ili izbjeći. Pod višom silom se ne podrazumijevaju propusti BH Telecoma u pružanju usluga. BH Telecom se obavezuje da o ovim slučajevima obavijesti Ustavni sud na najbrži i najefikasniji način. BH Telecom se obavezuje da, po prestanku djelovanja više sile, u najkraćem mogućem vremenskom roku nastavi ispunjavati svoje obaveze.

Član 6.

Ustavni sud se obavezuje da koristi usluge Internet mreže putem resursa BH Telecoma u skladu sa odredbama ovog ugovora.

Ustavni sud se obavezuje da neće omogućiti, prenijeti ili bilo u kojem smislu prenositi pravo koje obuhvata ovaj Ugovor na treća lica.

Član 7.

Obaveza Ustavnog suda je da mjesečno na osnovu računa za korištenje usluga interneta uplati iznos od 493,13 KM odnosno za period od 12 mjeseci ukupni iznos od 5.917,53 KM.
Sve cijene su bez uračunatog PDV-a.

Ustavni sud se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana od dana prijema računa bez primjedbi, račun proslijediti na plaćanje Ministarstvu finansija i trezora BiH.

BH Telecom je saglasan da Ustavnom sudu neće zaračunavati kamate za zakašnjenje prilikom plaćanja preko Trezora, ako je Ustavni sud u ugovorenom roku predao nalog za plaćanje Trezoru BiH.

BH Telecom se obavezuje na nepromjenjivost cijena tokom cijelog ugovornog razdoblja.

Član 8.

Ugovor se zaključuje na period od 1 (jedne) godine, uz mogućnost raskida pismenim putem iz razloga koji su predviđeni Zakonom o obligacionim odnosima, s tim da otkazni rok ne može biti kraći od 30 dana.

Član 9.


Ugovor stupa na snagu 1. jula 2021. godine.

Član 10.

Sporove proistekle u realizaciji ovog ugovora, ugovorne strane će riješavati sporazumno, u duhu dobrih poslovnih odnosa. U protivnom, za rješavanje sporova nadležan je Sud Bosne i Hercegovine u Sarajevu.


Član 11.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka



Broj: 408-19-1338/21
Datum, 07-07-2021

Ustavni sud Bosne i Hercegovine



Broj: SU-08-411-3/21
Datum: 29. juni 2021. godine